

WESTERN

Broj 6, August 2017. Bosnian Islamic Cultural Center Chicago
7022 N. Western Ave, Chicago, IL 60645, www.dzematwestern.com

Newsletter

MI GRADIMO



PROJEKAT ZA CIJELI CHICAGO, SADRŽAJI ZA SVE GENERACIJE

**BAJRAM
MUBAREK
OLSUN**



Familija Dedić

Familija Dedić

Familija Dedić

**ZLATNI
SPONZOR**

Familija Dedić

Poštovani članovi, es-selamu alejkum!

Godina 2016/1437.h.g ostat će upamćena (u ne tako dugoj historiji našeg džemata) po tri vrlo značajna događaja, a ona su:

15. maj 2016. - Polaznici Bosanske škole su prvi učenici iz jednog džemata sa teritorije Sjeverne Amerike koji su dobili diplome o završenom razredu osnovne škole ovjerene od strane Ministarstva civilnih poslova BiH. Zasluge na tom uspjehu pripadaju prije svega profesoricama koje već petu godinu zaredom uspješno vode ovaj projekat, te svakako Generalnom konzulatu BiH u Čikagu.

1. juli 2016. – U noći Lejletul-Kadr zvanično smo obznani- li da krećemo u izgradnju novog islamskog centra u Čikagu, te da je akcija prikupljanja sredstava u te svrhe zvanično otpočela! Tu odluku jednoglasno su podržale sve naše džematlije na bajram namazu nekoliko dana nakon ovog proglašenja. Allah mubarek olsun!

13. juli 2016. – Nakon dugogodišnje hairli saradnje, BACA je izvršila primopredaju pravne dokumentacije našem džematskom Odboru u kojoj je navedena odluka od strane Chicago Title Land Trust Company da je objekat na adresi 7022 N Western Ave Chicago IL 60645 u potpunosti prešao u vlasništvo BICC-a. Tako smo postali istinski vlasnici objekta u kojem djelujemo. Bio je to dan koji smo dugo iščekivali.

Svakako, ne treba zaboraviti ni činjenicu da džemat BICC posjeduje vlastito mezarje koje od prošle godine broji 1.000 ukopnih mjesta, te da u svom vlasništvu ima i vakufski stan. No, pored svega navedenoga smatramo da su naše najveće blago naša dječica u Mektebu – njih preko 240 na čelu sa našim hafizom. Stabilnost ovog džemata je osigurana uz Božiju pomoć putem 700 naših aktivnih članova koji su istinska uzdanica ovog džemata.



Ovom prilikom pozivamo sve muslimane Čikaga, kao i sve naše članove i simpatizere, a prvensteno Bošnjake, da se svojim donacijama uključe u ovu akciju izgradnje novog islamskog centra u Čikagu. Do sada se ovom pozivu odazvalo 150 vakifa koji su u periodu od 1. jula do 31. decembra 2016.g. uvakufili preko \$150.000,00. Njihova imena naći će se na zlatnoj ploči "utemeljitelja novog islamskog centra" u hodniku naše džamije! Oni će ostati upamćeni po tome da su pokrenuli izgradnju novog islamskog centra u Čikagu. Svakom vakifu ćemo uručiti vakufnamu, a svakom donatoru zahvalnicu.

Džemat BICC otvorio je **poseban bankovni račun u Chase Bank** na ime izgradnje novog centra i sve Vaše donacije bit će uplaćivane isključivo na taj račun. Svoje donacije (check) možete slati direktno na adresu džemata:

BICC | 7022 N Western Ave, Chicago IL 60645

Vašu podršku možete realizirati i **online** putem, preko naše web stranice:

www.dzematwestern.com

u odjelu "donacije", no molimo Vas da navedete svrhu uplate: "Novi islamski centar".

Od danas, svi vi koji imate otvorene checking ili saving račune u Chase Bank svoje donacije možete realizirati i uplatiti putem **QuickPay** i **PayPal** aplikacija, vrlo jednostavno, koristeći naš email: **dzematwestern@gmail.com**

Sve Vaše uplate možete realizovati i u blagajnoj našeg džemata!

Rad blagajne u 2017.godini

Petak: 12:00 – 2:30PM

Nedjelja: 9:00 – 11:00AM

Blagajnica Emira Jakupović
(773.387.6096/emiraj10@gmail.com)
Blagajnik Emir Hadžić
(773/225-6763/emirhadzic14@gmail.com)

Detaljan izvještaj o izgradnji novog islamskog centra dobit ćete na redovnoj skupštini našeg džemata (nedjelja/19. mart 2017).

Allah Vam ukabulio i nadoknadio boljim!




OSVRT

na proteklu 2016/17 mektebsku godinu

Protekla mektebska 2016/17.godina bila je vrlo uspješna. Mekteb je pohađalo preko 220 učenika koji su tokom 35 radnih sedmica i nakon 350 školskih časova uspješno obradili predviđeno mektebsko gradivo.

Tačno 50 učenika ove godine dobilo je tzv. Five Stars Diploma, što znači da su svi oni naučili obavljati svih pet dnevnih namaza (Sabah, Podne, Ikindiju, Akšam i Jaciju) što je za svaku pohvalu. Djeca su svakog zadnjeg vikenda u mjesecu bila testirana tako da smo sveukupno održali 7 testiranja na kojima su djeca pokazala zavidan nivo znanja. Posebno raduje činjenica da svake godine imamo veliki broj novih polaznika što nas tjera da više i odlučnije radimo. Naš džemat na finalnom mektebskom takmičenju u okviru IV omladinskih susreta Medžlisa Midwest predstavljali su Amin Krličević, Nermina Đonlagić i Merjem Mešić. Posebno želimo pohvaliti našeg predstavnika Amina Krličevića koji je osvojio 1. mjesto u najtežoj kategoriji, kategoriji Kur'ana. Djeca su i ove godine radili prema udžbeniku Mektebija, a nastavu u mktebeu su vodili vjeroučitelji Enesa Mehmedović, hfz. Amir ef. Čauš i hfz. Muriz ef. Mešić. Tako je naš džemat imao tu čast da dvojica hafiza podučavaju djecu, a posebno zanimljivi časovi su bili sa vjeroučiteljivom Enesom. Radujemo se početku nove mektebske godine i uz Božiju pomoć očekujemo veliki broj polaznika i još bolje rezultate.



Mektebski izlet

Mektebska godina počinje tradicionalnim šestim po redu mektebskim izletom: **U nedjelju (3. septembar 2017) u parku St. Paul Woods (Oakton/ Caldwell) u Morton Grove** organizujemo bajramski izlet za svu našu djecu i njihove roditelje... Bujrum, svi ste dobro došli!

Upis u mekteb

Upis u Mekteb i Bosansku školu počinje odmah nakon Kurban-bajrama, a upis će se obavljati tokom dva vikenda: **9-10. i 16-17. septembra u vremenu od 9AM do 1PM.** Za više info: mekteb.bicc@gmail.com



Amel Tuka posjetio Bosansku školu u Čikagu

Bosansko-hercegovački atletičar Amel Tuka posjetio je Bosansku školu u Čikagu. Preko stotinu učenika gledajući snimak finalne trke na 800m iz 2015. godine kada je Amel Tuka osvojio zlato u Monaku bilo je oduševljeno kada je upravo on utrčao u njihovu učionicu.

Amel je u Čikago došao u društvu poznatog televizijskog voditelja, Fikreta Hodžića, pa je njihova radost bila dvostruka. Oni su djecu tom prilikom svu prisutnu djecu obradovali prigodnim poklonima i mnogobrojnim autogramima.



Voditeljica Bosanske škole, prof. Amina Sendić-Mešić, kazala je da je njihova posjeta najljepši poklon ovoj djeci, te da su Amel i Fikret istinski ambasadori Bosne i Hercegovine. Profesorica Enisa Omerović nije krila zadovoljstvo pa im se u ime djece zahvalila na dolasku.

Amel Tuka poručio je djeci da budu vrijedni učenici, da mnogo uče i vrijedno rade, a da je uspjeh zagarantovan uz Božiju pomoć.


Bosanska škola u Čikagu djeluje u Bosnian Islamic Cultural Center od 2012.godine, i jedinstvena je na teritoriji Sjeverne Amerike. Školu pohađa preko stotinu učenika, a podršku ovom projektu pružilo je i Ministarstvo civilnih poslova BiH putem Generalnog konzulata BiH u Čikagu.

Imam ovog centra, hafiz Muriz ef. Mešić, i predsjednik Adis Alić upoznali su goste sa projektom izgradnje budućeg islamskog kulturnog centra u Čikagu.



Field Trip

U nedjelju (23-eg oktobra 2016) polazici Mekteba iz džemata BICC, njih 120, u pratnji vjeroučitelja i roditelja putovali su na jednodnevni izlet na farmu nedaleko od Čikaga.



Dan nezavisnosti Bosne i Hercegovine

Kao i svake godine, tako i ove godine polaznici Bosanske škole u našem džematu učestvovali su u obilježavanju 1. marta — Dana nezavisnosti Bosne i Hercegovine. Profesorice Amina Sendić-Mešić i Enisa Omerović potrudile su se da ovaj značajan dan ostane u dječijem sjećanju na način da su im organizovale radionicu u okviru koje su djeca izrađivala bosansko-hercegovačke zastave i ukrasne svijeće sa amblemima naše države. Na taj način Bosanska škola opravdava epitet jednog od najuspješnijih projekata u bošnjačkoj čikaškoj zajednici u proteklih nekoliko decenija...





Generalni konzulat ugostio delegaciju Bosanske škole

Generalni konzulat BiH u Čikagu u četvrtak, 2. juna 2016.godine, upriličio je prijem za delegaciju Bosanske škole iz BICC-a na čelu sa voditeljicama prof. Aminom Sendić-Mešić i prof. Enisom Omerović te imamom, hfz. Murizom ef. Mešićem.

V.d. Generalni konzul, gđa Enisa Hadžović, ovom prilikom uručila im je zahvalnice na ime osnivanja i izuzetan doprinos u razvoju prve dopunske Bosanske škole u SAD-u. Ona je nagovijestila nastavak podrške Generalnog konzulata razvoju projekta Bosanske škole, a sve u cilju edukacije što većeg broja bosansko-hercegovačke djece koja žive na teritoriji Čikaga, ali i cijelih Sjedinjenih Američkih Država.

Voditeljice Bosanske škole, prof. Amina Sendić-Mešić i prof. Enisa Omerović, uručile su motive sarajevskog sebilja generalnom konzulom gospodinu Berislavu Vujevi i vice konzulu Enisi Hadžović, kao znak zahvalnosti na podršci koju Generalni konzulat BiH u Čikagu pruža u realizaciji ovog jedinstvenog projekta na teritoriji Sjedinjenih Američkih Država. Samo zajedničkim naporima ovakvi projekti bivaju uspješni!


Podsjećamo, Bosanska škola u džematu BICC djeluje već pet godina, prošlogodišnja generacija polaznika dobila je svoje prve diploma ovjerene od strane Ministarstva civilnih poslova BiH što je jedinstven slučaj na teritoriji Sjeverne Amerike prvenstveno zahvaljujući našem konzulatu i zalaganju čestitih profesorica.



Pet godina Bosanske škole

Bosanska škola je u subotu 6-og maja 2017.godine uručila diplome i svjedočanstva petoj generaciji svojih polaznika, a pored profesorica Amine Sendić-Mešić i Enise Omerović, ovoj ceremoniji u ime Generalnog konzulata BiH u Chicagu i Ministarstva civilnih poslova BiH prisustvovala je i gđa Enisa Hadžović - dokazani prijatelj naše zajednice.





Svečanost u Mektebu

U subotu, 6-og maja 2017.godine, u prepunoj džamiji na Westernu upriličena je svečana dodjela diploma za 222 polaznika koja su ove godine pohađala Mekteb.

Ova godina bila je po mnogočemu različita od prethodnih, jer su u mektebu su radila tri vjeroučitelja: hfz. Muriz ef. Mešić, hfz. Amir ef. Čauš i prof. Enesa Mehmedović.

Čak 50 učenika je naučilo obavljati svih pet dnevnih namaza, a njih 11 postali su novi učenici Kur'ana.

Sve pohvale upućujemo vrijednim roditeljima, novom džematskom odboru, a posebno ženskoj grupi jer su pružile veliku ispomoć u organizovanju ove svečanosti, ali i tokom cijele godine kada su za djecu pripremale različite specijalitete.


Djecu smo nagradili vrijednim paketićima, a novi učenici Kur'ana dobili su na poklon i komplete Bosanske hafiske mukabele.








Mevlud 2017

Već tradicionalno polaznici Mekteba iz našeg džemata učestvuju u učenju Mevluda povodom 12-og rebiul-evvela, rođenja Božijeg poslanika Muhammeda, alejhis-selam. Pogledajte kako je to izgledalo ove godine..







Bosnian Youth of Chicago

Omladinsko udruženje Bosnian Youth of Chicago već pet godina uspješno djeluje u našem džematu.

Tako su početkom godine održali svoju redovnu Skupštinu i izabralo novo rukovodstvo ove grupe. Za nvu predsjednicu su izabrali Jasminu Ejupović, dok je novi blagajnik Ajdin Mravić, a Aida Huskić je voditeljica horske grupe NUR. Također, novi članovi odbora su Edib Mravić, Amila Karahmet, Lejla Husomanović i Enesa Mehmedović.

Osim toga, omladina je organizovala i donatorsko večer za svoje aktivnosti, tako da na taj način članovi džemata pomažu njihov rad i ujedno uživaju u njihovim sadržajima.



Omladinski susreti

Naša omladina iz džematskog omladinskog udruženja Bosnian Youth of Chicago ove godine učestvovala je na IV Omladinskim susretima međžlisa Midwest koji su se ove godine održali u Northbrook. Djevojke su uzele učešća u odbojkaškim takmičenjima dok su dječaci osvojili drugo mjesto u fudbalu. Sve čestitke omladini.





Hor "NUR"

Hor Nur predstavlja još jednu svijetlu tačku našeg džemata. Djevojke koje čine ovaj hor redovno se druže i sastaju u džematskim prostorijama i uvježbavaju svoje nastupe. Protekle godine ostvarile su nekoliko zapaženih nastupa od kojih je vrlo važno istaknuti njihov nastup na IV Omladinskim susretima našeg medžlisa.



FARMERS
INSURANCE

NEW LOWER PRICES!

Pozovite me i dobit ćete najbolje cijene!

**AUTO • HOME • RENTERS
CONDO • LIFE • BUSINESS**

Better coverage

Magbula Koradžić

Agency Farmers Insurance
5862 N Lincoln Ave Ste C2
Chicago, IL 60659-4628

773-715-3839 (Cell)

773-472-6900 (Office)

773-681-0710 (Fax)

mkoradzic@farmersagent.com
www.farmersagent.com/mkoradzic

Investors Meldina Realty Group

5862 N. Lincoln Ave # C2 Chicago, IL 60659

- Besplatne konsultacije sa garantovanom zaštitom podataka
- Besplatne liste foreclosures
- Besplatne usluge za kupce
- Kupovina sa minimalnim učešćem i poslije 2 do 3 godine od bankrupcije ili foreclosure (ako se kvalifikujete)
- Prodavci, uvećajte Vaš profit do maksimuma, besplatna market analiza i povoljna komisija za prodaju.
- Ako ste čekali povoljan momenat za prodaju, sada je vrijeme!

Meldina Dervišević

Broker/Owner

Za najvažniju investiciju
Vašeg života nazovite:

773.472.6900 (office)

773.491.9045 (cell)

meldinarealty@yahoo.com

www.meldinarealty.com

**Radimo svaki dan! Dodite bez ikakve obaveze,
a mi ćemo se potruditi da izađete zadovoljni!**



Takmičenje



SVI NAJKVALITETNIJI
BH TV PROGRAMI
NA JEDNOM MJESTU



BHnet

BOSTEL BHT federalna tv ALJAZEERA
OBN VALENTINO GIVE
HAYAT HAYAT
PIN BH tv1 TVSA
HEMA TELEVIZIJA

Prva BH Ott internet televizija
65+ tv i radijskih programa iz BiH i regiona

BH SHIPPING SERVICES

FROM USA TO BIH

TRANSPORT SVIH VRSTA POŠILJKI
BRZO, KVALITETNO I SIGURNO
DIREKTNO NA VRATA PRIMAOGA
U BOSNI I HERCEGOVINI

BH SHIPPING SERVICES

BEST SERVICE

773.466.6900

14 Džemat Brčko prodaja@bhbostel.net
www.bhbostel.net - www.facebook.com/BhBostelNet

773 688 8244

bhshippingservices.com

[facebook.com/BHShipping](https://www.facebook.com/BHShipping)



Book Fair

Iqra Book Store tokom protekle mektebske 2016/17. godine organizovala je Book Fair u našem džematu za sve polaznike našeg Mekteba. Tom prilikom naša djeca su mogla načiniti uvid u nova izdanja iz oblasti islamske vjeronauke i historije islama, te sebi priskrbiti neka od njih. Dio prihoda od ovog događaja išao je u Mektebski fond.






Mektebski izlet








DRUŽENJE sa dr. Erminom

Bosnian Youth of Chicago protekle zime održala je interaktivno druženje sa dr. Erminom Sinanovićem, direktorom Fairfax Instituta u Virdžiniji.





Svečanost u Skoli Kur'ana za odrasle

Povodom uspješno završenog petog (V) ciklusa Škole Kur'ana za odrasle, 29. mart 2017 u džematu BICC upriličena je svečanost dodjele diploma.

Voditelj programa hfz. Mešić pohvalio je svih 16 polaznika Škole Kur'ana i ukazao na značaj ovakvih aktivnosti.

Tom prilikom svim polaznicima koji su uspješno okončali ovogodišnji program uručene su diplome, a treba napomenuti da su za 6 mjeseci koliko je trajao ovaj ciklus proučili cijeli Kur'an i zapamtili nekoliko većih sureta. Ovogodišnji polaznici su:

Nermin Krličević, Fadil Delić, Nedžad Kopic, Amin Krličević, Edib Mravić, Mirzet Zenković, Sanida Ahmetović, Fikreta Delić, Eldina Lezić, Ševčeta Đerlek, Vesna Duraković, Meliha Kaplanović, Ismeta Šišić, Hanka Dizdarević i Sabina Husomanović.

Nakon promocije upriličeno je sijelo uz kahvu i kolače...



DRUŽENJE čikaških džemata

Čikaški džemati (ICC Greater, BICC i SABAH) pro-
teklog vikenda organizovali su zajednički seminar
za džematske odbore, odbore ženskih i omladin-
skih grupa, a gost predavač je bio dr. Ermin
Sinanović.

Tema seminara je bila "Volonterizam u islamu", a seminaru
su prisustvovali i predstavnici džemata Sabur i WBICC.
Nakon seminara upriličena je diskusija na kojoj su se mogli
čuti vrlo korisni prijedlozi u cilju poboljšanja međudžematske
saradnje kao i samih džematskih aktivnosti.

Druženje svih čikaških džemata je prvo ovakve vrste i nad-
amo se da će se ono nastaviti, a njega su nagovijestili
kvalitetni bratski odnosi njihovih imama i džematskih Odbora.
U svakom slučaju, međudžematska saradnja u Chicagu je
trenutno na zavidnom nivou.

Chicago/Decembar 26, 2015.





Kozarački tevhid

Kao i prethodnih godina, 24-og maja, povodom obilježavanja godišnjice stradanja Bošnjaka pod-kozarja u džematu BICC proučen je Tevhid pred duše kozaračkih šehida.

Pored velikog broja džematlija ovom događaju su prisustvovali i čikaški imami hfz. Muriz ef. Mešić, dr. Hazim ef. Fazlić i hfz. Amir ef. Čauš, a prisutnima se obratio i naš džematlija Mirsad Čaušević prezentujući svoju posljednju knjigu "Smrt u bijeloj kući". Molimo Allaha da bosanskim šehidima podari najljepšu nagradu, a nas da učini dostojnim sljedbenicima naše plemenite vjere.

Family Night





Prva hafiska dova u Americi

Preljepi vijesti dolaze nam opet iz Chicaga gdje je tamošnja zajednica obradovana velikim uspjehom hafiza Amira ef. Čauša, koji je prvi hafiz sa teritorije Sjeverne Amerike koji je uspješno položio hiŕz pred komisijom Rijasetu IZ u BiH i stekao časno zvanje Hafiz-ul-Qur'ani-l-Kerim.

Zato je u nedjelju, 8-og januara 2017.g., u džematu Bosnian Islamic Cultural Center u Chicagu upriličena hafiska dova na kojoj je Glavni imam ICNAB-a, mr. Sabahudin ef. Čeman u svojstvu izaslanika Reis-ul-uleme i zvanično uručio diploma novom hafizu.

Osim diplome, hafiz Čauš je preuzeo i idžazu (sened/silsilu) — specijalno svjedočanstvo o naučavanju Kur'ana sa duhovnom lozom koje seže do Poslanika, a.s., od svog muhaffiza, hafiza Muriza ef. Mešića. Kako je naznačio Glavni imam, ovu idžazu posjeduje svega nekoliko hafiza u Bosni i Hercegovini, a sada je tu čast preko svog muhaffiza preuzeo i hafiz Čauš.

Prisutne je prelijepim vazom počastio novi Oblasni imam medžlisa Midwest, Osman ef. Brkić iz Detroita, koji je ukazao na značaj učenja i izučavanja Kur'ana, te svoje izlaganje zaključio riječima da je učenje Kur'ana najbolji posao, a titula hafiza najčasnija titula.

Hafisku dovu proučio je dr. Senad ef. Agić, imam džemata Sabah iz Chicaga, a ovom događaju prisustvovao je i predsjednik Sabora ICNAB-a, dr. Hazim ef. Fazlić, koji je zajedno sa kolegama dr. Muazom ef. Redžićem iz Grand Rapidsa, Ibrahimom ef. Čaušovićem iz Fort Waynea i Edhemom ef.





Šahinovićem, također iz Chicaga, ukrasio ovu svečanost učenjem odlomaka iz Časne Knjige.

Obzirom da je ovakav događaj po prvi puta viđen na teritoriji SAD-a, hafiz Mešić upoznao je prisutne o procesu učenja hifza kroz koji je prošao hafiz Čauš, te čestitao njemu, njegovoj porodici, njegovom džematu WBICC na čelu sa džematskim Odborom i predsjednikom Izetom Čaušovićem, ali i uputio čestitke Islamskoj zajednici u cjelini.

Allah mubarek olsun!



Hafiz Kenan

Jedan od najminentnijih mladih bosanskih alima i najboljih mladih vaiza, hafiz dr. Kenan Musić, bio je gost džemata BICC na bajram namazu tokom Kurban bajrama 2016.godine. On je tom prilikom prisutne nadahnio prelijepim predavanjem, a utiske o njegovom gostovanju džematlije pričavaju i danas..





Podrška projektu "Što te nema?"

Tokom mubarek mjeseca ramazana u organizaciji ženske grupe "Bošnjakinja" upriličeno je prelijepo iftarsko sjelo uz promociju projekta "Što te nema!?" umjetnice Aide Šehović.

Iftaru su prisustvovali i profesori sa The University of Chicago, Cynthia Lindner i Wesley Sun, koji nisu krili oduševljenje prezentovanim...

Na ovaj način džemat BICC želi dati podršku aktivnostima koje imaju za cilj sjećanje na srebrenički genocid, a koje su izražene na jedan stilski i umjetnički način.





Održana Skupština ženske grupe "Bošnjakinja"

Ženska grupa "Bošnjakinja" je 18-og marta 2017. godine organizovala svoju četvrtu redovnu godišnju Skupštinu.

Na Skupštini su prezentovani dosadašnji rezultati rada i izneseni prijedlozi budućih aktivnosti.

Odbor grupe je proširen na 7 članica, a novoizabrani Odbor čine: Amina Sendić-Mešić (predsjednica), Raba Mehmedović (blagajnica), Edita Omerbegović (sekretarica), Amela Zukobašić, članica, Alma Sikirić, članica, Sabina Husomanović, članica, Amela Cerić, članica.

Nakon Skupštine nastavljeno je druženje u okviru "Family Night".

Ženska grupa "Bošnjakinja" osnovana je 2012.godine i predstavlja svijetlu tačku džemata BICC Chicago. Pomaže u mnogobrojnim džematskim aktivnostima, a posebno se ističu u pomaganju pri mektebskoj nastavi i prilikom mektebskih izleta.

U džematu BICC sredinom februara ove godine uz podršku džematskog Odbora i ženske grupe Bošnjakinja Generalni konzulat BiH u Čikagu organizovao je po prvi puta u našem džematu tzv. konzularni dan. Veliki broj džematlija tom prilikom rješavao je svoje administrativne obaveze na licu mjesta. Veliko hvala osoblju konzulata na čelu sa v.d. konzulom Enisom Hadžović i sekretarom Elzinom Gočobjom.


Skupština BICC

U jednoj prelijepoj atmosferi 19-og marta 2017.godine održana je redovna Skupština našeg džemata na kojoj je izabran novi džematski i nadzorni Odbor sa dvogodišnjim mandatom i u okviru koje je predstavljen projekat izgradnje novog islamskog centra u Chicagu a u okviru koje je odlučeno da njegovo ime bude "Islamski centar Čamil ef. Avdić"

Novi džematski Odbor čine: Elmedin Halilić, predsjednik Nedžad Kopic, sekretar, Emira Jakupović (asistent Emir Hadžić), blagajnica, Nermin Krličević, član, Dževad Šorlija, član

Novi Nadzorni odbor čine: Nihad Latić, predsjednik, Daut Kaplanović, Safet Ogorinac

Zahvaljujemo se dosadašnjim odbornicima u čijem mandatu je pokrenuta inicijativa izgradnje novog centra i koji su uspješno realizovali prijenos vlasništva objekta u kojem djelujemo sa BACA-e na džemat BICC i učinili još mnogo toga.



Na Saboru u Atlanti

Delegacija BICC-a neposredno prije mubarek mjeseca ramazana boravila je u Atlanti na redovnom zasjedanju Sabora Islamske zajednice Bošnjaka Sjeverne Amerike. Pored učešća u radu Sabora, naš imam predstavio je projekat Bosanska hafiska mukabela svim prisutnima i iz prve ruke upoznao reis-ul-ulemu mr. Huseina ef. Kovačevića o kakvom projektu je riječ.






Putovanje u St. Louis

Povodom otvaranja nove bošnjačke džamije u St. Louisu, u organizaciji ženske grupe Bošnjakinja džematlije našeg džemata prisustvovala su ovom jedinstvenom događaju.


U subotu na Podne namazu pratili su ceremoniju otvaranja prelijepe džamije Nur, dok su navečer prisustvovali mevludskom programu.





Bravo omladino

Početak mjeseca ramazana naša omladina iz omladinske grupe Bosnian Youth of Chicago je volontirala u javnoj kuhinji "A Just Harvest" gdje su služili večeru onima kojima je bila potrebna...



954-776-1505


sealordhotel.com

Located at:
4140 IL Mar Drive
Lauderdale by the sea
FL. 33308

Come & indulge
in the beautiful
oceanfront view.

SEA LORD

Hotel & Suites





Omladinski Iftar





Večer vakifa '17

Prvog dana Ramazanskog bajrama u hotelu Holiday Inn u Chicagu je upriličena svečanost pod nazivom "Večer vakifa 2017". Domaćin ovog događaja kojem je prisustvovalo više od 440 zvanica bio je džemat Bosnian Islamic Cultural Center Chicago (BICC). Tom prilikom uručene su vakufname za više od 50 vakifa koji su svojim donacijama podržali izgradnju novog centra u Chicagu a koji će nositi ime po velikom bošnjačkom i čikaškom alimu - Islamski centar "Čamil ef. Avdić".



Specijalna gošća bila je kongresmenka Jan Schakowsky, koja je u svome obraćanju dala snažnu podršku izgradnji budućeg centra i stavila resurse svoga tima na raspolaganje. Pored nje gosti su bili također generalni konzul BiH u Chicagu Berislav Vujeva, vicekonzul Enisa Hadžović, oblasni imam Osman ef. Brkić, čikaški imami dr. Senad ef. Agić, dr. Hazim ef. Fazlić, hfz. Amir ef. Čauš, Suvad ef. Čaušević i prof. Bekir ef. Šabić, pjevač Armin Muzaferija, te folklorna grupa BH Kluba.

Program su vodile Enisa Omerović i Almira Ahmetović, koordinatorice omladinske grupe Enesa mehmedović i Jasmina Ejupović, hor NUR, te članovi džematskog odbora i imam hfz. Muriz ef. Mešić. Posebne pohvale na organizaciji pripadaju imamu Mešiću i članovima džematskog Odbora (Elmedin Halilić, Nedžad Kopic, Nermin Kričević, Emir Hadžić, Dževad Šorlija i Emira Jakupović), zatim članicama ženske grupe (Amina Sendić-Mešić, Amela Cerić, Raba Mehmedović, Sabina Husomanović, Amela Zukobašić, Edita Omebegović i Alma Sikirić), te volonterima omladinske grupe Bosnian Youth of Chicago, horu NUR, Kamberu Hadžiću, Amiru Ovčini, Murisu Hubjeru, džematu SABAH na ustupljenoj mikrofoniji, Tariku Omerhodžiću, fotografu Samiru Bišćeviću, te Qayyum Bushri, menadžerici hotela Holiday Inn, saopćeno je iz BICC-a.

Najveće pohvale našim vakifima i našim džematlijama, a među njima se posebno ističu trojica vakifa koji su još u toku prve donatorske godine uvakufili po 10.000 dolara. Do danas je za izgradnju novog islamskog centra u Chicagu prikupljeno skoro 600.000 dolara.


Džemat BICC najveći je bošnjački džemat u Chicagu sa više od 700 članova i jedan od najorganizovanijih na teritoriji Sjeverne Amerike.








Ramazanski Bajram



Iftar kod majora

Delegacija džemata BICC koju su činili Hfz. Muriz ef. Mešić, Nihad Latić, Amir Ovčina, Nedžad Kapić, Samira Kapić, Enesa mehmedović i Amina Sendić-Mešić prisustvovala je proteklog ramazana iftaru kojeg je organizovao mayor Chicago, Rahm Emanuel. Tom prilikom major je snažno podržao američku muslimansku zajednicu.



JASMIN

ACCOUNTING SERVICES
5214 N. Western Ave. Ste.202 - Chicago, IL 60625

Jasmin Zorlak

TEL: 773.989.1120

FAX: 773.989.1127

jasminaccounting@yahoo.com

Urednik: Muriz Mešić

Lektor i recenzent: Amina Sendić-Mešić

Tehničko uređenje: Samir Bišćević, sbiscevic@gmail.com

Info: www.dzematwestern.com,

Email: dzematwestern@gmail.com

Adresa: BICC, 7022 N. Western Ave, Chicago IL 60645

Vakifi 2016/2017

\$10,000.00

- › Latić Nihad
- › Kadić Amir
- › Šunje Mensur

\$6,000.00

- › Čirkić Teufik

\$5,000.00

- › Bumbul Selmir
- › Ejupović Admir
- › Ejupović Emir
- › Fale Sejad
- › Delić Fadil
- › Hasanović Asmir
- › Hujdur Muhamed
- › Mahić Damir
- › Nikezić Redžep
- › Šošić Dževad
- › Šabović Hajder

\$4,780.00

- › Čolo Munever

\$4,700.00

- › Medžiković Sejad

\$4,500.00

- › Hanić Mirel

\$4,000.00

- › Avdić Asmir
- › Čirkić Enes
- › Mehremić Halil
- › Smječanin Fehim

\$3,200.00

- › Jašarević Elvir

\$3,100.00

- › Redžović Ifeta

\$3,000.00

- › Alagić Samir
- › Alić Adis
- › Ahmetović Amir
- › Bečić Edis
- › Dedić Huso
- › Delić Damir
- › Delić Semir
- › Dervišević Meldina

- › Ejupović Asmir
- › Fale Muharem
- › Habul Hilmo
- › Hamzić Nihad
- › Hodžić Safet
- › Karađuz Idriz
- › Kopic Hasan
- › Kopic Nedžad
- › Mahalbašić Zahir
- › Mešinović Adem
- › Mujkić Senad
- › Musić Džemal
- › Mušić Muhamed
- › Omerović Dževad
- › Omerović Kiram
- › Ovčina Amir
- › Poljak Sadija
- › Ramić Admir
- › Sadiković Ibrahim
- › Salkanović Almir
- › Salkić Anes
- › Šorlija Dževad
- › Torlaković Mevludin
- › Ženska grupa "Bošnjakinja"

Allah Vam ukabulio i nadoknadio boljim!

Torcama Grill

GENERALNI SPONZOR



#1 CEVAP SANDWICH



#2 PLJESKAVICA SANDWICH



#3 SUZUK SANDWICH



#4 ITALIAN BEEF



BUREK/PITA



#5 GRILLED CHICKEN SANDWICH



#6 CHEESE BURGER



#7 HOT DOGS



#8 SALMON WRAP



ALL SERVED WITH FRIES & ONE FOUNTAIN DRINK +TAX



#9 VEGGIE BURGER



#10 SKIRT STEAK SANDWICH



#11 GYROS SANDWICH



#12 MEATBALLS SANDWICH

773-728-0990

5357 N Lincoln Chicago, IL
Lincoln Square

Hours

Mon 10:00 am - 8:00 pm
Tue 10:00 am - 8:00 pm
Wed 10:00 am - 8:00 pm

Thu 10:00 am - 8:00 pm
Fri 10:00 am - 8:00 pm
Sat 10:00 am - 8:00 pm
Sun Closed